



SIK-p Nakkutilliisoqarfia

Ilulissani ataatsimiinneq ulloq 30. juuni 2026

Aalajangiussanik IMAQARNILIAQ

Imai:

Qupp. 2: Oqaaseqarsinnaallutillu taaseqataasinnaasut allattorsimaffiat

Qupp. 3: Ullormut oqaluuserisassat allattorsimaffiat

Qupp. 4 – 7: Aalajangiussanik imaqarniliaq

Tapiliussat: Danmarkimi, USA-mi aamma nunani avannarlerni kattuffinnit
oqaaseqaatit inuulluaqqussutit

Oqaaseqarsinnaallutillu taaseqataasinnaasut

Siulersuisuunerit

Jess G. Berthelsen, siulittaasoq
Sofie Svendsen, siulittaasup tullia
Benjamin Kielsen
Qulutannuaq Berthelsen
Nuunu J. Jerimiassen
Jens Nuka Poulsen
Else Jonna Lange
Pualuna Kivioq
Ane-Marie H. Jørgensen

Peqatigiiffinnit

Nuuk.....	Peter B. Mølgaard
Ilulissat.....	Throne Johansen
Sisimiut.....	Birgithe Andreassen
Aasiaat.....	Grønberg Storch
Upernavik.....	Magdaline B. Svendsen
Uummannaq.....	Frederik Kristiansen
Maniitsoq.....	Elisabeth L. Hansen
Qaqortoq.....	Arne Møller
Qeqertarsuaq.....	Ole Tobiassen
Qasigiannuguit.....	Gaba Rosbach
Narsaq.....	Anga Peter Edvardtsen
Paamiut.....	Sussi P. Mikaelson
Nanortalik.....	Otto Lundblad
Qaanaaq.....	Qajorannuaq Nielsen
Tasiilaq.....	Ulrikke Jensen
Kangaatsiaq.....	Åge Motzfeldt
Ikerasak.....	Michael Jakobsen
Kangaamiut.....	Ulrik Lyberth
Kangerlussuaq.....	Mathæus Adolfsen

Taasisinnaasut katillugit 28-t

Ullormut oqaluuserisassat

1. Ataatsimiinnermik ammaaneq kiisalu aqutsisussamik, imaqarniliortussamik taasinernillu kisitsisussanik toqqaanerit
2. Siulersuisuunerit nalunaarutaata saqqummiunneqarnera oqaluuserineqarneralu
3. SIK-p ukioq 2025-mut naatsorsuutaasa ilisimatitsissutitut saqqummiunneqarnerat
4. Siunnersuutit tiguneqarsimasut oqaluuserineqarneri
 - 4.1 SIP Maniitsoq: SIK-p peqatigiiffinnut illuutilinnut ikiorsiisinnaaneranik apeqquteqaat
 - 4.2 SIP Maniitsoq: Siusinaartumik soraarnerussutisiassanik pisartagaqalersinnaaneq pillugu siunnersuut
5. Ilaasortat kattuffimmut akiliutissaasa ataatsimeersuarnermi aalajangikkat allanngortinneqarsinnaanerit
6. Tamalaat
7. Nakkutilliisoqarfiup naggasernera

1-imut tunngatillugu: Ataatsimiinnermik ammaaneq kiisalu aqutsisussamik, imaqarniliortussamik taasinernillu kisitsisussanik toqqaanerit

Siulittaasup Jess G. Berthelsenip ataatsimiinnermik ammaanermi eqqaasitsissutigaa Nakkutilliisoqarfiup ataatsimiinneri ataatsimeersuarnerit marluk akornanni piffissap qiteqqunnerani pisaraluartut 2025-mi oktobarip naalernerani kattuffiup ataatsimeersuarnerani aalajangerneqarmat Nakkutilliisoqarfiup ataatsimiinnissaa tulluuttooq tamatumuuna siusinnerusukkut piumaartoq, tassa kattuffiup ukiunik 70-iliinissaata 2026-mi ulloq 1. juuli nalliussineqarnissanut atatillugu. Taamaalivorlu, Nakkutilliisoqarfiup maanna ataatsimiinnera nalliuttorsiornissaq ullormik sioqqullugu pimmat.

Ataatsimiinnermi aqutsisussamik toqqaaneq: Nukaraq Eugenius aqutsisussatut toqqaarneqarpoq.

Imaqarniliortussamik toqqaaneq: Svend Møller imaqarniliortussatut toqqaarneqarpoq.

Taasinernik kisitsisartussanik toqqaaneq: Aviaq Petersen, Inge Lennert aamma Emma J. Dalager toqqaarneqarput.

2-mut tunngatillugu: Siulersuisuunerit nalunaarutaata saqqummiunneqarnera oqaluuserineqarneralu

Siulittaasup Jess G. Berthelsenip siulersuisuunerit nalunaarutaat malittarisassat naapertorlugit saqqummiunneqareersoq peqatigiiffinnillu nassiunneqareersimasoq eqikkarlugu saqqummiuppaa.

Siulittaasup ilassutitut naatsumik ilisimatitsissutigaa pisortanik isumaqatiginninniarnert naammasseqqammernerat, ukiunut marlunnut atuuttussamik pitsaasumik illersorneqarsinnaasumillu angusaqarfiullutik. Tamanna erseqqinnerusumik ilisimatitsissutigineqarumaarnerarpaa.

Siulersuisuunerit nalunaarutaat ataatsimut isigalugu imartuutut nalilernerqarpoq akuersaarneqarlunilu.

Siulersuisuunerit nalunaarutaata oqallisigineqarnerani oqaaserineqartut tigulaariffigalugit ilaatigut imaapput:

Gaba Rosbach: Aalisakkanik nioqqutissiassanik nalittorsaanissaq pisariaqavippoq. Suliffik pingaarutalik matugaangat tamanna kommunimut tamarmut sunniuteqartarpoq, taamaattumillu Aasianni raajaleriffimmut tunngatillugu aaqqiissutissarsisoqartariaqarpoq, nioqqutissiassanillu nunamut tulaassisussaataaneq qulakkeerneqartariaqarluni.

Peter B. Mølgaard: Ilaasortat amerleriarsimanerat nuannerpoq. Ukiuni tulluuttuni suliut soraarninngorartussat amerlapput, tamannalu ilaatigut suliffeqarfinni inuleriffiusuni sunniuteqassaaq. Soorlu utoqqaat illuini kangiamiunik tikisitanik sulisoqarpoq, tamanna allatut ajornarmat akuerissavarput, sulissutigisariaqarparpulli sulisut taakku kulturikkut allatigullu naleqqussarnissaminnut periarfissinneqarnissaat.

Åge Motzfeldt: Ullumikkut kommunit aaqqissuussaannerat pillugu nalilersueqqinnermi ilaasariaqartut ilagaat innuttaasut qanimut oqartussaaqataanerata minnerulersimamera aammalu illoqarfiit nunaqarfiillu minnerusut inukilliartornerat.

EU-mut ilaasortanngorsinnaaneq pillugu nalilersuinnermi tusarfiit aalajangersimasuinaat naliliinerinik najoqqutaqarnissaq mianersuutigisariaqarpoq, soorlumi siulersuisuunerit nalunaarutaanni lektor Morten Rasmussenip oqaasii kisiisa tunngavigineqartut. Kisianni siulersuisuunerit Trump pillugu isummersornerat isumaqatigaara.

Ole Tobiassen: Kommunit minneruleqqissagaluarpata aatsaat iluamik innuttaasut qimarratilissapput. Trumpikkut oorinik tunioraallutik isumaqatissarsiornerat akuerineqarsinnaanngilaq. EU-mut ilaasortanngornissamik eqqarsaat ajattuinnarneqarsinnaanngilaq, nalilersuilluartaluk.

3-mut tunngatillugu: SIK-p ukioq 2025-mut naatsorsuutaasa ilisimatitsissutitut saqqummiunneqarnerat

Kattuffiup 2025-mut naatsorsuutai kukkunersioriikkat malittarisassallu naapertorlugit siulersuisuunernit akuersissutigineqareersut *siulittaasup* ilisimatitsissutitut saqqummiuppai.

Naatsorsuutini kukkunersuisut oqaaseqaataat ilaatigullu angusat naatsorsornerat, ilaasortat amerliartorusaarnerannik aammalu sinneqartoorutini 204.036 kr.-inik takussutissiisoq, innersuussutigalugit *siulittaasoq* inerniliivoq kattuffik aningaasaqarnikkut isumannaatsumik inissisimasoq ajungitsumillu aqunneqartoq. Oqimaaqatigiissitsigallarnerlu kingulleq naapertussagaanni siulersuisuunerit qinigaaffimmini uani ilaasortat 300-nik amerlanerulernissaannik anguniagaat anguneqareerpoq.

Naatsorsuutitut tunngasunik apeqquteqarnissamut / oqaaseqarnissamut periarfissiinnermi ilaatigut oqaatigineqarpoq ilaasortanngorniarlutik allatsittut piaartumik akiliisalernissaat qulakkiissallugu pingaaruteqartoq. Siornatigullu eqqaaneqartareersup girokortit atorlugit ilaasortaanermut akiliisitsiniartarnerup ajornakusooruteqartarnera taaneqarportaaq.

4-mut tunngatillugu: Siunnersuutit tiguneqarsimasut oqaluuserineqarneri

4.1 SIP Maniitsoq: SIK-p peqatigiiffinnut illuutilinnut ikiorsiisinaaneranik apeqquteqaat

Maniitsumi peqatigiiffimmi siulittaasoq *Elisabeth Lynge Hansen* saqqummiussivoq, innersuussutigalugu Maniitsumi sulisartut peqatigiiffiata illuata ilamininngua kisimi oqorsagaasoq ukiukkut qianartaqaluni. Apeqqutigaa SIK peqatigiiffinnut illuutilinnut ikiorsiisinaanersooq soorlu oqorsaanissamut tapiissuteqarluni imaluunniit taarsigas-sarsisitsilluni.

Ole Tobiassen (Qeqertarsuaq) erseqqissaateqarpoq peqatigiiffiit illuuteqarnertik namminneq akisussaaffigaa.

Tamatuma malitsigisaanik SIK-p siulittaasuata tulliaata *Sofie Svendsen* oqaatigaa peqatigiiffiit illuutiminnik iluarsaassinissamik pisariaqartitsigunik marlunnik periarfissaqartut: 1) Taarsigassarsinissaq siunertaralugu namminneerlutik bankimik oqaloqatiginnissinnaapput, tamannali ajornakusuussagaluarpat 2) kattuffimmut saaffiginnissinnaapput, soorlu suliariniakkamut aningaasatigut naatsorsuusiornissamut siunner-sortissarsiorlutik.

4.2 SIP Maniitsoq: Soraarnerussutisiassanik siusinaartumik pisartagaqalersinnaaneq pillugu siunnersuut

Maniitsumi peqatigiiffimmi siulittaasoq *Elisabeth Lynge Hansen* saqqummiussivoq, siunnersuutigalugu soraarnerussutisiaqalernissamut aningaasaateqarfik SISA aqqutigalugu manna sulissutigineqassasoq: Suli 67-inik ukioqalernani nakorsamit upper-narsaasikkamik suliunnaarluni napparsimalersimasooq nammineq katersaminik siusinaartumik pisartagaqalissasoq, taakku atorfissaqartikkamigit.

Taamatut aaqqiissuteqarnissamik sulissuteqarnissaq *siulersuisuunernit* oqaaseqartunit ajornartinneqarpoq, tassa 67-inik ukioqalernermit soraarnerussutisiaqalernissamik inatsit aamma SISA-p malimmagu kiisalu Nappaatit Peruluutaasut Ilaasa matussuserneqarsinaaneranik aqqiissuussineq SISA-mi periarfissaareermat.

5-imut tunngatillugu: Ilaasortat kattuffimmut akiliutissaasa ataatsimeersuarnermi aalajangikkat allanngortinneqarsinnaanerit

Allannguutissatut siunnersuutinin saqqummiussaqaartoqanngilaq.

6-imut tunngatillugu: Taasariaqartinneqartut allat ("Tamalaat")

*Peter B. Mølgaard*ip saqqummiussaqaarneratigut oqallinneqatsiarpoq sulisartut kattuffiata iluani avissaartuussutaasinnaasunik pissusilersoqqajaasernerup isummersoqqajaasernerullu anigorniarneqarnissaannut kajumissaarutaasumik.

Suleqatigiinnissaq pillugu assammik isaassinerit itigartinneqaqqajaasarput, aammalu "illoqarfilerngusaanneq" (imaappoq peqatigiiffimmi namminerit immikkut soqutigisat pinermik allanik suleqateqarusunnginneq) nuanniilliuutaasumik malunniuttarpoq.

Oqaaseqartut tamarmik una kajumissaarutigaat: Ataatsimoorniarta, suleqatigiinniarta, kattuffik nunnarpullu tamaat eqqarsaatigalugit.

7-imut tunngatillugu: Nakkutilliisoqarfiup naggasenera

Siulittaasup naggasiinnermini kattuffiup sulisoqarnerata ukiut ingerlaneranni ineriartorluarsimanera nuannaralugu eqqaavaa. Taamatullu aamma maluginiarsimanerarpaa kattuffimmi oqalliseriaaseq ilorrap tungaanut ineriartorsimasoq, ajunngitsumillu kivinneqarsimasoq.

Peqatigiiffeqaarnermi kattuffiullu allaffeqarnerani sivilisuumik sulilluarsimasut ukioq manna soraar-ninngulersut marluk immikkut taasariaqartippai qutsavigalugillu: Tassa Kangaamiuni peqatigiiffimmi siulittaasup Ulrik Lyberth, oktobarimi siulittaasutut tunuarniarpoq, aamma SIK-p allattoqarfiani pisortaq Bjarne Petersen, novembarimi soraarniarpoq.

Atsiornerit:

Ataatsimiinnermi aqutsisoq:



Nukaraq Eugenius
Ulloq 7. juuli 2026

Imaqarniliortoq:



Svend Møller
Ulloq 8. juuli 2026

SIK-p Nakkutilliisoqarfiata 2026-mi ataatsimiinneranit imaqarniliamut TAPILIUSSAT

Nakkutilliisoqarfiup ataatsimiinneranut atatillugu nunani allani sulisartut kattuffiineersut pingasut uku oqaaseqaateqarput, aamma nalliuttorsiornermi pilluaqqussutaasunik:

- Danmarkimi sulisartut kattuffiisa kattuffianni Fagbevægelsens Hovedorganisation-imi (FH) siulittaasup tullia *Nanna Højlund*,
- USA-mi suliffissuaqarnermi sulisartut kattuffiisa suleqatigiiffiata American Federation of Labor and Congress of Industrial Organizations (AFL-CIO)-p direktøria *Cathy Feingold*, aamma
- Nunani avannarlerni sulisartut kattuffiisa suleqatigiiffiata Nordens Fællega Samorganisatio-nimi (NFS) allattuuneq *Magnus Gissler*.

Oqaaseqaatinik kalaallisuunngortitsisoq: Axel Lund Olsen.

Nanna Højlundip oqaaseqaataa:

Asasakkat SIK-imi ilaasortat!

- Tikeraat
- Asasara Jess-i
- Asasagut ikinngutigut

Nuannaarutigeqaara aammalu uannut tulluusimaarutigaa maaniisinnaagama FH sinnerlugu.

Siullermik pingaarnermillu, nalliuttorsiorinnissinni pilluaritsi.

Uummammik pisumik 70-inik ukoqalernissinnik pilluaritsi. Tussunngunarpoq maani ilulissani najuussinnaagama. Ingammik pinngortitaa qimerluualaarsinnaallugu. Qaamanersuaq malugalugu kassut iluliarsuillu takusinnaallugit.

Eqqaasitsisarpoq, Kattuffilerinermut tunngassuteqartunut. Qaqutigut misigisat, ulluinnarmut pinngortinneqarneq ajorput. Piffissarli sivisooq atoqqaarlugu pinngortarpoq.

- Qaleriiaartutut
- Ukiumit – ukiumut.
- Kinguaariit – kinguaariinnut.

Soorlu Sermip kangerlua aammalu iluliarsuit taamatut pinngorarsimasooq. Aamma SIK taamatut pinngorsimavoq. Arlaataluunniit SIK ulloq ataaseq atorlugu, pinngortissimanngilaa. Arlaataluunniit ukiut 70-it oqaluttuarisaaneq pinngortissimanngilaa.

Oqaluttuarisaanerli pinngortinneqarsimavoq, inuppassuarnit.

- Ilaasortanit
- Sinniisunit
- Sulisunit
- Kattuffilerinermi pisortanit.

Inunnit pinngorteriartortinneqarsimavoq kinguaariinnit, akissussaaffimmillu tigusinikkut, imminullu sullinnani. Ullumikkullu kinguaariit takusinnaavagut katersuussimasut. Inuit takusinnaavagut, ukiorpassuarni suleqataasimasut. Inuit takusinnaavagut, aatsaat aallartittut, immaqqa aatsaat Kattuffilerinermik aallussilersut. Takusinnaavarpullu Kattuffiup nukittunerujussua.

Kinguariit tamarmik sanarfigisarpaat toqqavitsik, allat suliarisaat pilersitsimasaat nangillugit. Kikkulluunniit aallaqqaataanit aallarteqqiineq ajorput.

Kinaluunniit kisimiinngisaannarpoq. Akissussaaffillu kingornuttarparput, siulliullutik takkussimasunit.

Ullulli ilaanni ingerlateqqittussaavagut, kingulliullutik suliaqalersussat. Tassaavorlu Kattuffiup ukiuni 70-ini ingerlasimaneranut, uumasinnaasimaneralu.

Ullumikkummi nalliuttorsiorneq pissuarsiortigaarput, nalliuttorsiutigalugulu Kattuffik ataaseq. Inuit nalliuttorsiutigaat. Ataatsimoorneq nalliuttorsiutigaarput. Nalliuttorsitigaarput isumassarsiaq ataaseq, tunuliaqutaasorlu Kattuffinnut suugaluartunut. Inuillu nukittunerulersarput ataatsimooraa-ngamik kisimiinnatillu.

SIK-ilu tunngavilerneqarpoq 1956-imi, taamanikkullu pissutsit allaapput. Taamanikkulli inoqarpoq, ilisimaarilluinnarlugulu sulisartut akissarsialillit qanoq sunneeataaffigissanerlugit, inuusinnaanis-saannut, Kattussuuttariaqarsimanerlu. Pitsaanerusumik atugaqalissagunik, ataatsimoornermik sulissuteqartariaqarlutik.

Uagullu kingornutaraarput, ullumikkut taanna. Tunummullu qiviassagutta, kiap takorloorsinnaavaa, 1956-imi, takorlooruminaapporlu Kalaallit Nunaat allanngorsimaqisoq. Kinguaariit nutaat pinngorarsimapput. Ilinniartiususat nutaat takkussuusimapput. Periarfissat nutaat pinngorarsimapput. Ukiulli ingerlanerini ineriartornerup allanngortissinnaanngisaa.

Inuit ataatsimoortariaqarsimapput, ersarinnerusumik tusagaqartassagunik.

SIK-ilu oqaluttuarisaanermut ilaasimavoq. Eqqartorparput Kattuffilerinerup oqaluttuassartaa, eqqartorparput unamminarsimasut aammalu ajugaanerpassuit – soorunami aamma ajorsartar-simanerit, ilinniittaasarsimappulli. Oqaluttuarineqarpullu inuit pineqartut, ajugaatitsisarsimasut, taakkuuppullu Kattuffiup tunngavii. Oqaluttuarisaanerput pineqarpoq, sinniisoq oqaluussinermik ajornakusoortumik aallarnisaasoq. Ilaasortaasullu, isummaminnik annissisartup. Inuillu pineqarput, unnuppassuit atorlugit sullissisut. Sapaatit akunneri naaneri, ukiorpassuillu atorlugit, inuit atugarisaat pitsaanerusumik atugaqalernissaat.

Amerlanerit oqaluttuarisaanermut ilanngunneqarnavianngillat. Taakkuami ilaasimanngippata oqaluttuarisaaneq allaaserineqarsimassanngikkaluarpoq.

Ukiormannalu tikeraarsimavoq FH-imi siulittaasorput, Morten Skov Christiansen-i, nunassinnut. Angerlamullu tikikkami oqaluttuarai, inuit naapissimasani.

- Aallussisut
- Inuit tulluusimaartut
- Ataatsmoortitsinermik nukittuut, nassaassaasut.

Isumaqarpungalu, tikeraarut malugisassaasut, tikikkaangatta. Ataatsimoorneq pinngortinneqarneq ajortoq kisiannili oqaluuserineqartoq. Tamannalu malugisinnaavarput. Inuiaqatigiinni mikinerusuni malugisassaavoq. Malugaarput suliffeqarfinni. Malugaarput, inuit ikiuussuseqartut, nalaatassaal-lutik. Malugikutsoorparput Kattuffilerisuni SIK-imi.

Kattuffimmilu suliaqarneq isumaqatigiissutit aammalu inatsisit paraqarfillu pineqanngillat.

- Inuilli pineqarput
- Toqqissisimaneq
- Tutsuiginassuseq.

Ilisimaareqqissaarlugu suliassat, Kattuffiup sullissinermi.

Immaqami taamaassimavoq, Kattuffilerineq, Qallunaat Nunaannisut, sorlaqalersimasoq nukittuumik Kalaallit Nunaanni tunngavileqataasoq.

Kattuffiullu tunngaviatigut isumaa, pinngaartitaasalu ataatsimoortitsineq, Kalaallit Nunaanni takuneqarsinnaasoq.

- Inuit imminnut akisussaaqatigiittut
- Kisimiittoqassanngitsaq
- Angusassaq anguneqassasoq ataatsimoorutta, kivitseqatigiikkuttalu.

Soorunami taamaattussaavoq FH-ip aammalu Nunat Avannerliit Kattuffeqateqarnermi, assagut isaallugit siusinnerusukkut pisoq aallaavigalugu. Kissaatigisimavarput ersarissumik oqariartuute-qarnikkut. Nunassinni suleqatigut kisimiissanngitsut. Kaamattoqatigiinneq killeqarfinnit unitsinne-qassanngilaq. Inuiaqatigiit kikkulluunniit pisinnaatitaaffigaat namminerlu oqartussaalernissartik. Inunnik ataqqinnikkaani aammalu kikkut tamat oqartussaaqataassagunik, tunngaviit pingaarnert, Nunat Avannerliit Kattuffiit aamma anersaaraat.

Ukiullu kingumut qiviaraanni 70-inut, inuit suleqataasimasut amerlapput, SIK-imilu naqissuseeqa-taasimasut. Ilai ukiut sivikitsut suleqataasimapput. Ilaqarpusilu inuunertik tamangajaat Kaatuffim-mut tunniusimallutik sulisunik.

Asarput Jess-i! Siulittaasuusimmagaanni SIK-imi ukiuni 35-ini, takussutissaavorlu Kattuffiup oqaluttuarisaanerannullu.

- Akuulerluinnarsimavutimmi

Tamannalu tunngavigalugu qujaffiginiaarpatsigit sulillaarsimaninnut, ukiorpassuarnimi sullissisimavutit nunaqqatinnut, akissarsiaqarnissaat pitsaanerpaamik atugaqalernissaat ilungersuutigalugu. Taassumalu saniatigut eqqaasippaatigut. Kattuffiit nukittuut pilersinneqarneq ajortut, piffissaq sivikitsaq atorlugu.

Ukiorpassuilli tunniusimalluni, ilaasortat, sinniisut aammalu pisortanit sanarfigineqarsimannngilaq.

Taannaavorli oqaluttuarisaaneq, ullumikkut nalliuttorsiutigigipput.

Asasagut ikinngutit. Ukiut 70-it nalliuttorsiutigigaanni, kingumut qiviarnissaq pingaaruteqarpoq. Kisiannili aamma siunissamut isiginissaq pingaaruteqarpoq. SIK-imummi oqaluttuarisaaneq maanga uningilaq. Ullulli tamaviisa inunnit ataasiakkaani allanneqartarpoq, kinguaariit nutaat aamma takkuttussaapput. Nalliuttorsiorneq unaannaanngilaq kingumut pisimasunut qiviassalluni. Nalliuttorsiorneruvoq aamma siunissamut. Sulilu pilersinneqartussanut. Ataatsimooortitsineq, inerisartuagassaavoq. Inoqateqarpugulli nangitsisussanik. Ullumikkut Kalaallit Nunaat qiviarutsigu, takusinnaavarput pitsaasumik ineriartortoq. Takusinnaavagut inuusuttut angusaqarusuttut. Periarfissat nutaat pilersinneqartut. Unammilligassat nutaat takkussuuttut.

Takusinnaavarpullu, tunngaviliisoqartoq neriunaatilimmik. Takusinnaavarput, inuit tunniusimallutik suliniartunik.

Inuit, akisussaaffimmik tiguisut. Inuit takuagut, ataatsimoorussuseqartut tunngaveqartut / pingaartitsisut. Naatsorsuutigaaq, sulit ukiorpassuit tulluittuni 70-imi SIK pingaarutilimmik inissimassasoq.

Nalliuttorsiutigisigit, SIK-imi sanarfiliisimasut. Nalliuttorsiutigisigit, kikkugaluartut tamaasa, Kattuffimmik kivitseqataasimasut. Nalliuttorsiutigisigit, nangitsisussat.

Ukiunut 70-inut pisimasunut qimerluuissagutta, Kattuffik ataasiusoq kisiat qimerloorneqanngilaq.

- Inuit takusinnaavagut
- Ataatsimoorneq takusinnaavarput
- Kinguaariit allanngueqataaniarlutik sulisut.

Taannaavorli oqaluttuarisaaneq nalliuttorsiutigigipput. Asasarput Jess. Asasarput SIK. Asasagut ikinngutigut. Uummammik pisumik nalliuttorsiornerisannik pilluaritsi. Uummammik pisumik 70-iliinissinni pilluaritsi. Qujanaq.

Cathy Feingoldip oqaaseqaataa (videomut immiuteriigaq):

Ukiuni 70-imi nalliuttorsiornerisinni pilluaritsi, ukiullu 70-it kingulliit Kalaallit Nunaanni ilaasortasi sullilluarsimavasi.

Suleqatigiillutami Nunarsuaq tamakkerlugu sulisartut pitsaasumik atugaqalernissaat sulissutigisuarparput, ilaqutariit inuiaqatigiillu atugarisaat pitsaanerpaamik atugaqalernissaat siunertaralugu.

Uagullu atugarisagut Amerikkami ilungersunartumik inissisimavugut, killeqarfik aqqutigalugu nuuttartut, suliarterniarlutik aqussinnaanngilluinnaratsigu, tamannalu ajorpoq.

Sulisartut ajoraluartumik equngasumik sullinneqartarput, nunat assigiinngitsorpassuit aamma akornanni.

Illuatungatigullu tatineqarsimavusi USA-imi præsident-imit, nunarsi tiguarniarlugu oqariartuute-qarnerata kingorna, Illersornissaq sakkugalugu siorasaarisimaneq, akuersarneqarsinnaanngilaq. Suleqatigullu allat peqatigalugit ersarissumik tapersiisimavugut, oqariartuutigisamasaa, akuersarneqarsinnaanngitsoq.

Ersarissumillu ukioq manna, ataatsimeersuaratta juni-mi, tapersiinerput naqissuserparput. Ersarissumik aaliangiisimavugut, siorasaaneq, akuersarneqarsinnaanngitsoq! Nunanik allanik aammalu ilissinnik siorasaasisimanera. Nunarsuarmioqatigiit sulisartut tamaasa sinnerlugit akuersarneqarsinnaanngilaq, taamatut oqariartuuteqarsimanera.

Uagullu sulisartuusugut ineriartorneq taamaattoq, akuersaanngilarput.

Amerikkami sulisartut sinnerlugit aammalu Nunarsuaq tamakkerlugu tapersersuinerput, ilissinnut oqariartuutigaarput. Ilissilu suleqatigalusi tapersorsorpassi pisumut ernunamartumik, oqariartuuteqarsimanera.

Naggataatigullu ukiuni 70-inik ukioqalernissinni pilluaritsi, siunissamullu pitsaanerpaamik ingerlalluarnissassinnik kissaappatsigit, qatanngutigiittutullu tasioqatigiissaagut. Qujanaq!

Magnus Gisslerip oqaaseqaataa:

Asasakka kattuffilerinermik suleqatit, ikinngutit kammalaatillu,

Qujanaq qaaqqusaasimaninnut nakkutilliisoqatigiit ataatsimiinnerannut aammalu ukiut 70-it kattuffiuttut nalliuttorsiornissassinnut aqagu pingasunngornermut. Uannullu pingaaruteqarpoq pissanganarlunilu pissarsiffiulluassasoq SIK-ip nakkutilliisoqarneranut ataatsimiinneranut aammalu Kalaallit Nunnaannut tikeraarsinnaasimagama.

Siullermik sikisaarfigalusi pilluaqquniarpassi, naak annikikkaluarteq. Ukiut 70-it Kattuffittut angusimasarsi pingaaruteqarluinnartuuvoq, kikkunnut kattuffinnut suugaluartunut. Ilissinnullu immikkuullaarissuuvoq Kattuffittut ingerlasimanissinnut.

Isumaqarporlu kinguaaniit kalaallit nunaaniittunut akissarsialinnut kattuffeqarnerup ataatsimoorullutik kattuffeqarnera, qujaffigissavarpullu ullumikkut inissisimalluarnersi ataatsimoorluta. Ataatsimoorneq anguniakkat pingaarnersaraat, tamatta aallaavipput – kattuffilerinermi qitiulluinnarpoq suliaqarnermi. Ataatsimooruttalu nukittunerussaagaut, sakkussallu kattuffittut pingaaruteqarluinnarpoq.

Kattuffigut aqqutigalugu ilaasortat 8,5 miliuunit nunat avannarlerni kattugffigaatigut, ersarilluinnarlumillu ilissi inissisimavusi, allanut sanilliussissalgutta, suliffissaqartitsinikkut, sullissinikkut tunuliaqutaalluarsimavusi, maligassiuillusilu ilaasortanut kikkugaluartunut.

Ilissilu SIK-imiittusi NFS-imi pingaarutilittut inissisimavusi. Ilissilu inissisimavusi pingaarutilimmik kattuffiit allanut sanilliullusi, tamannalu qujassutissaqarfigaarput. Ilissiususima suleqatigiinneq aqputigalugu nukittuunngortitseqataasut.

Oqariaateqarpugullu, kattuffilerinerimi, suliffeqarfinnut tunngassuteqarpata, nunat assigiinngitsut akornanni suleqatigiinnermi, ataatsimoorutta nukittunerussalluta. Tamatsinnullu kattuffiit suleqatigiinnitsigut ilaasortatsinnut pingaaruteqartorujussuuvoq, ataatsimoorneq.

Nukittoqatigiinnerput atorfissaqartittuaannarparput. Ilissinnullu oqaluttuarissallugu pisariaqanngikkaluarpoq, unammilligassat amerlangaarmata. Pissutsit allanngorartuartut – silaannaap allanngoriartornera imalunniit teknikkikkut ineriartornerup oqaluuserissallugu – tamanullu ajunnginnerpaamik atugaqarnissaq. Pingaaruteqarporlu sulisartut atugarisaat Nunat Avannarlerni, Europami nunarsuarmioqataanitsinnilu. Toqqissisimaneq aammalu nammineq oqartussaaqataanerup eqqartorneqarnerani.

Uagutsinnullu kattuffilerinerimut suliaqarnitsinni akissut assigiippoq, allanngortinneqarsinnaanngitsoq:

Eqqartueqatigiinneq. Aaqqissuunneqartoq. Ataatsimoornerlu.

Taannaavorlu Nunat Avannarliit nukittoqutaat aamma ullutsinni, ukiorpassuit ingerlanerini. Aammalu nunarsuup allanngoraqisup pingaarnertut taassallugu ukiunilu tulluittuni 70-ini pingaaruteqarluinnartumik inissisimavoq. Nunat Avannarliit aaqqissutaaganera, ataatsimoornerup aaqqissuussinerimi pingaarnertut taasariaqarpoq – Toqqissilluni aammalu inuuniarneq allanngoraqisumi inooqataassagaanni!

Nakkutilliisoqarfiullu ataatsimiilluarnissassinnik kissaallusi, qilanaaraara ilissi peqatigalusi aqagu SIK-ip ukiut 70-inik nalliuttorsiornerani ilagissallusi. Qujanarlu suleqatigiinnitsinnut aammalu Nunat Avannarlerni suleqatigiilluarnitsinnut qujanarujussuaq, suliassanillu ulikkaarput, nunassinni sulisartut atugarisaat pitsanngorsartuarnissaannut. Qilanaaqaangalu maaniinnissannut – qujanarlu!